



An Bhruiséil, 17 Márta 2017  
(OR. en)

7244/17

DAPIX 88  
CRIMORG 58  
ENFOPOL 119  
ENFOCUSTOM 68  
JAI 231

## NÓTA

|                               |                                                                                                                                                                                                                                                                                                               |
|-------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| ó:                            | An Uachtaránacht                                                                                                                                                                                                                                                                                              |
| chuig:                        | An Mheitheal um Malartú Faisnéise agus um Chosaint Sonraí (DAPIX)                                                                                                                                                                                                                                             |
| Uimh. an doic.<br>roimhe seo: | 7242/17                                                                                                                                                                                                                                                                                                       |
| Ábhar:                        | “Cinntí Prüm” - Dréachtchonclúidí ón gComhairle maidir le cur chun feidhme na bhforálacha ginearálta i ndáil le cosaint sonraí atá i gCaibidil 6 de Chinneadh 2008/615/CGB ón gComhairle<br>- Meastóireacht a dhéanamh ar Phoblacht na Seice maidir le malartú uathoibríoch sonraí clárúcháin feithicle (SCF) |

Cuireann an Uachtaránacht an téacs atá i gceangal leis seo

Dréachtchonclúidí ón gComhairle maidir le cur chun feidhme na bhforálacha i ndáil le cosaint sonraí atá i gCinneadh 2008/615/CGB ón gComhairle

- Meastóireacht a dhéanamh ar **Phoblacht na Seice** maidir le malartú uathoibríoch sonraí clárúcháin feithicle (SCF)

faoi bhráid na Meithle um Malartú Faisnéise agus um Chosaint Sonraí (DAPIX) le go ndéanfar an méid a leanas:

- go dtiocfar ar chomhaontú maidir leis na dréachtchonclúidí ón gComhairle agus ina dhiaidh sin
- go gcuirfear faoi bhráid na Comhairle iad ionas go bhféadfar tuilleadh céimeanna a ghlacadh chun go nglacfar an Cinneadh Cur chun Feidhme ón gComhairle maidir le tús a chur le malartú uathoibríoch sonraí i ndáil le sonraí clárúcháin feithicle i **bPoblacht na Seice** de bhun Airteagal 33 de Chinneadh 2008/615/CGB agus tar éis dul i gcomhairle le Parlaimint na hEorpa.

**DRÉACHTCHONCLÚIDÍ ÓN gCOMHAIRLE**  
**maidir le cur chun feidhme na bhforálacha i ndáil le cosaint sonraí**  
**atá i gcaibidil 6 de Chinneadh 2008/615/CGB ón gComhairle**  
**Meastóireacht a dhéanamh ar Phoblacht na Seice maidir le malartú uathoibríoch**  
**sonraí clárúcháin feithicle**

1. De réir Airteagal 25(2) de Chinneadh 2008/615/CGB ón gComhairle, ní sholáthrófar na sonraí pearsanta dá bhforáiltear faoin gCinneadh go dtí go mbeidh na forálacha maidir le cosaint sonraí a leagtar amach i gCaibidil 6 den Chinneadh curtha chun feidhme i ndlí náisiúnta chríocha na mBallstát a bhfuil baint acu leis an soláthar sin. Ní mór don Chomhairle cinneadh d'aon toil faoi cibé ar comhlíonadh an coinníoll sin nó nár comhlíonadh. Níl feidhm ag an bhforáil sin maidir leis na Ballstáit sin ina bhfuil tús curtha cheana le soláthar sonraí pearsanta dá bhforáiltear sa Chinneadh de bhun "Conradh Prüm" (2005).
2. De réir Airteagal 20 de Chinneadh 2008/616/CGB, ní mór an fíorú go bhfuil an coinníoll thuasluaite comhlíonta a dhéanamh ar bhonn tuarascáil mheastóireachta bunaithe ar cheistneoir. Maidir le sonraí a mhalartú go huathoibríoch i gcomhréir le Caibidil 2 de Chinneadh 2008/615/CGB, ní mór don tuarascáil mheastóireachta a bheith bunaithe, freisin, ar chuairt mheastóireachta agus ar thriail phíolótach.
3. De réir phointe 1.1 de Chaibidil 4 den Iarscríbhinn a ghabhann le Cinneadh 2008/616/CGB, baineann an ceistneoir a dhréachtaigh Meitheal ábhartha na Comhairle le gach ceann de na malartuithe uathoibríocha sonraí agus ní mór don Bhallstát é a fhreagairt a luaithe agus a chreideann sé go gcomhlíonann sé na réamhriachtanais le haghaidh sonraí a chomhroinnt sa chatagóir sonraí ábhartha.

4. Tá an ceistneoir maidir le cosaint sonraí agus an ceistneoir maidir le sonraí clárúcháin feithicle comhlánaithe **ag Poblacht na Seice**. Chuir **Poblacht na Seice** triail phíolótach rathúil i gcrích in éineacht leis **an Ísiltír**. Rinneadh cuairt mheastóireachta **i bPoblacht na Seice** agus rinne foireann meastóireachta **na hÍsiltíre/na Slóvaice** tuarascáil ar an gcuairt mheastóireachta agus chuir sí ar aghaidh í chuig Meitheal ábhartha na Comhairle **(6899/17 DAPIX 69 CRIMORG 47 ENFOPOL 99 ENFOCUSTOM 57 JAI 185)**.
5. Tiolacadh tuarascáil fhoriomlán mheastóireachta ina ndéantar achoimre ar thorthaí an cheistneora, na cuairte meastóireachta agus na teorach píolótaí maidir le malartú sonraí clárúcháin feithicle don Chomhairle **(7242/17 DAPIX 87 CRIMORG 57 ENFOPOL 118 ENFOCUSTOM 67 JAI 230)**.
6. Ag an gcruinniú a bhí ag an Meitheal um Malartú Faisnéise agus um Chosaint Sonraí (DAPIX) ar an **4 Aibreán 2017**, admhaíodh go bhfuil gach Ballstát atá faoi cheangal ag Cinneadh 2008/615/CGB den bharúil go bhfuil na coinníollacha comhlíonta chun go measfaidh an Chomhairle, chun críocha malartú uathoibríoch sonraí i ndáil le sonraí clárúcháin feithicle, go bhfuil na forálacha ginearálta maidir le cosaint sonraí atá i gCaibidil 6 de Chinneadh 2008/615/CGB curtha chun feidhme ina n-iomláine ag **Poblacht na Seice**.
7. Ar an mbonn sin, measann an Chomhairle, chun críocha malartú uathoibríoch sonraí i ndáil le sonraí clárúcháin feithicle, go bhfuil na forálacha ginearálta maidir le cosaint sonraí atá i gCaibidil 6 de Chinneadh 2008/615/CGB curtha chun feidhme ina n-iomláine ag **Poblacht na Seice**.